

## **ZIZUR NAGUSIKO UDALAREN ETA LA SANTA CRUZ ERRETIRODUNEN ELKARTEAREN ARTEKO HITZARMENA**

Zizur Nagusian, 2021eko azaroaren 5ean

### **BILDURIK**

Alde batetik, JON GONDAN CABRERA jn., ZIZUR NAGUSIKO Udaleko alkatea, Udalaren ordezkari eta haren izenean.

Bestetik, JUAN ANTONIO DIAZ DIAZ jn. -G31101413 IFK-ko LA SANTA CRUZ ERRETIRODUNEN ELKARTEA (aurrerantzean onuraduna) ordezkari eta haren izenean-, adinez nagusia, helbidea Zizur Nagusiko Zabalgain kaleko 3. zenbakian duena, elkarteko lehendakari gisa hitzarmen hau sinatzeko ahalmena Batzordeak 2017ko ekainaren 16an egunean emana, eta dokumentu hau sinatzean ahalmen horrek indarrean jarraitzen duela baieztatuta,

Biek aitortzen diote elkarri jarduteko gaitasun aski eta, hori dela-eta,

### **HONAKO HAU ADIERAZTEN DUTE**

Diru-laguntzei buruzko azaroaren 17ko 38/2003 Lege Orokorraren 22. artikuluan diru-laguntzak zuzenean emateko hipotesizat udal aurrekontuetan izenez aurreikusitakoa hartzen dela aintzat, hitzarmenetan eta diru-laguntzak erregulatzeko araudian ezarritakoaren arabera.

Zizur Nagusiko Udalak 2021eko ekitaldirako onetsiriko Aurrekontuak LA SANTA CRUZ ERRETIRODUNEN ELKARTEAREN alde 6.700 euroko diru-laguntza bat ematea aurreikusirik duela, 2021. urtean zehar norberaren autonomia eta zahartze aktiboa sustatzeko jarduerak egiteko laguntza ematea xede.

Zizur Nagusiko Udalak, bere eskumenen artean, auzoteriaren beharrak eta asmoak betetzen zuzenean laguntzen duten jardueren horien sustapena duela, eta horien artean, hitzarmen honen helburu diren jarduerena.

Beste alde batetik, LA SANTA CRUZ ERRETIRODUNEN ELKARTEAK honako hauek dituela bere xede nagusiak: hirugarren adineko kolektiboari zuzenduriko aisia eta astialdiko jardueren sustapena, aholkularitza eta antolakuntza.

Bi erakundeek, interesaturik, beren jardunak hitzartzea erabaki dutela, baliabideen aprobeztamendu hobearren mesedetan, zeinek xede zabalagoak planifikatu eta erdiestea ahalbidetuko baitu, eta horretarako

## **ADOSTEN DUTE**

### **LEHENA.- XEDEA**

Diru-laguntzaren xedea onuradunak, berak aurkeztuko duen jarduera proiektuaren arabera, 2021. urtean zehar norberaren autonomia eta zahartze aktiboa sustatzeko jarduerak, egiteko laguntza ematean datza.

### **BIGARRENA.- ZENBATEKOA**

Diru-laguntzaren zenbatekoa 6.700 eurokoa da eta Udalak emanen du osorik, aurrekontuko 1 33701 48200 partidaren kargura.

### **HIRUGARRENA.- BESTE DIRU-LAGUNTZA BATZUEKIN BATERA GERTATZEA**

Onuradunak diru-laguntza honen xedea gauzatzeko lor litzakeen beste diru-laguntza batzuekin bateragarria da hau, jasoriko laguntzek diruz lagunduriko jardueraren kostua gainditu ezean, kasu horretan muga horretara murriztuko baita.

### **LAUGARRENA.- ESKAERA ETA ORDAINKETA**

Diru-laguntza honen %75 aurrerakina emanez ordainduko da, onuradunak Zizur Nagusiko Udaleko Erregistro Orokorrean eskabidea eta urterako jarduera proiektua aurkeztu ondoren. Ez da bermea eratu beharrik.

Gainerako diru-laguntza emaniko laguntzaren azken justifikazioaren ondoren ordainduko da.

### **BOSGARRENA.- ONURADUNAREN EGINBEHARRAK**

- Onuradunak jasoriko funtsak diru-laguntza honen xedea gauzatzeko sortuko dituen gastuak ordaintzeaz bestelako xede batera ez aplikatzea.
- Emaniko diru-laguntza hitzarmen honetan adierazirik dagoen bezala justifikatzea.
- Zizur Nagusiko Udalak ezarritako egiaztapenak betetzea eta eskatzen zaizkion agiriak eta informazioa ematea.
- Onuradunaren programak, jarduerak eta zerbitzuak Udalak hitzarmen honen esparruan gauzatzen dituen zerbitzu edo arloekin koordinatzea.
- Elkarrekin gauzaturiko jarduerari buruzko urteko txostena egitea eta, bertan, horiek izandako parte-hartzaileak zenbatu eta emaitzak ebaluatzea.
- Hitzarmen honen bidez lagunduriko jardueren hedapenerako erabiliko diren materialetan Zizur Nagusiko Udalaren laguntza erraz ikusteko moduan ipintzea.
- Diruz lagunduriko jarduerarekin erlazionaturik erdietsitako edozein diru-laguntza edo diru-

sarrera jakinaraztea haren berri izan bezain laster eta, nolana ere, justifikazioan agertzea.

- Udal ordenantzek euskara eta berdintasun gaitan agintzen dutena errespetatu eta betetzea, bai publizitatearen eta materialen erabileran, bai jarduerak gauzatzean.

## **SEIGARRENA.- GASTUAREN JUSTIFIKAZIOA**

Justifikazioak informazio hau edukiko du:

- Elkarrekin gauzaturiko jardueren gaineko ebaluazio txostena, eta bertan adieraziko dira jardueretako parte-hartzaile kopurua, jarduera egitearen froga eta helburuen betetze-maila.
- Zerga betebeharrak eta Gizarte Segurantzarekikoak egunean dauzkala egiaztatzen duen agiria. Zizur Nagusiko Udalarekiko zerga betebeharrak egunean dauzkala ofizios egiaztatuko da.
- Diruz lagunduriko jardueren gastuak eta diru-sarrerak zerrenda batean sailkatuz.
- Gastuak fakturen eta merkataritzako trafiko juridikoan baliozkoak diren edo eraginkortasun administratiboa duten gainerako dokumentuen bidez egiaztatuko dira, ordainketaren ziurtagiria erantsirik.
- Abenduaren 31n kontu korrontean dagoen saldoa egiaztatzea.

Dokumentu horiek fotokopiatuak izanen dira eta zerbitzu kudeatzaileak konpultsaturik eta konformatuz utziko dira, jatorrizkoak, berriz, erakunde onuradunari itzuliko zaizkio. Jatorrizko dokumentuak edo haien kopia konpultsatua erakunde onuraduneari geratuko dira lau urtez gutxienez gordailutuz.

Diruz laguntzekoak ez diren gastuak inbertsioari dagozkionak dira, berreskura edo konpentsa daitezkeen zeharkako zergei dagozkienak edota aurkezturiko proiektuarekin erlazionaturik ez dauden guztiak.

Gastuaren justifikazio osoa aurkezteko epea 2022ko urtarrilaren 31n bukatuko da.

Justifikatu gabeko partean ordainketa murriztuko da, eta hasierako ordainketa justifikatu ezin bada, dagokion zati proportzionalaren itzulera eskatzen ahalko da.

## **ZAZPIGARRENA.- INDARRALDIA**

Hitzarmen honen indarraldia sinatze egunean hasiko da eta 2021eko abenduaren 31n bukatuko. Hurrengo urteetarako, hitzarmena sinatzea udal aurrekontuetan ekitaldi bakoitzari dagokion kredituaren onespenez eta La Santa Cruz Erretirodunen Elkarrekin betebeharrak betetzeak baldintzatuko dute.

## **ZORTZIGARRENA.- SEGIMENDU BATZORDEA**

Hiritar Zerbitzuetako Informazio Batzordeak izanen du hitzarmen honen betetzearen eta

eraginkortasunaren segimendua eta ebaluazioa egiteko ardura. Batzorde horretara La Santa Cruz Erretirodunen Elkarteko lehendakaria edo horrek eskuordeturiko lagun edo lagunak joaten ahalko dira.

### **BEDERATZIGARRENA.- INDARGABETZEA**

Hitzarmen hau indargabetzeko arrazoa klausulak ez betetzea izango da. Kasu horretan, indargabetzea adierazten duen erabakiak haren ondorioak jasoko ditu berariaz.

### **HAMARGARRENA.- ARAUBIDE JURIDIKOA**

Hitzarmen honetan aurreikusi gabekoan, diru-laguntzen erregimenari dagokionez, Diru-laguntzei buruzko azaroaren 17ko 38/2003 Lege Orokorra izanen da aplikagarria, baita uztailaren 21eko 887/2006 Errege Dekretua ere, lege horren arautzea onesten duena.

Hitzarmen honek izaera administratiboa du.

Sor daitezkeen auzi kontuak administrazioarekiko auzien jurisdikzioko auzitegien mendean jarriko dira.

Eta hola jasota gera dadin eta ondorio egokiak sor ditzan, hitzarmen hau formalizatzen da, haren bi ale eginez, goiburukoan adieraziriko tokian eta datan.

Alkatea

La Santa Cruz Erretirodunen Elkartea

Fede ematen dut,

Idazkaria